

Moq yû Hpaq chyí Mhô-myi



Laiká buk dang-u : Moq yû Hpaq chyî Mhông-myi
Mhông-myi ká sô : Hkyinóng Gám
Hkinjong Nóng Lat
Chúmlut Gun Sêng
Alhông soî sô : Hkinjong Nóng Lat
Myíng : Zaiwâ
Hí saî htoq é bui-nyì : November 12, 2012


Book Title : Lessons for Youth
Author : Hkyinong Gam
Hkinjong Nong Lat
Chumlut Gun Seng
Artist : Hkinjong Nong Lat
Language : Zaiwa
Test edition : November 12, 2012

Laiká Buk Má Bo É Pé


Nambat	Bo é dang-u pé	Laiká myoq
1	Ngonoq é Manghkáng (Hkyinóng Gám)	1
2	Waq Lé Mhaû Hke Sû Hkui Lo (Hkinjong Nóng Lat)	13
3	Myit Huî é gi Wum O Atsam Nghut é Hkyô (Chúmlut Gun Sêng)	19

Ngonoq é manghkáng


Hkyinóng Gám





RaisingOurKids.com




Radâm lé, yhûm rayhûm má ngoñoq radu
lé yhûmsîng hpó gi sat pyám râ ga luî
ngoñoq lhaî lé htung tô ri.




Haû hkûn ngonog gi, yhâng lazûm woq hpó chyang ê luî taî é gi, “Lazûm hpó woq é hkásu kut râ hpaq chyî bo byi laq.” ga garûm dung ri.




Haû hkûn woq gi, “Hâu lhaî gi ngá matu anghut, ngo eq asêng ga luî taî kat ri.”




Hau htâng má ngonog gi amàng waq
chyang dum e mù taî é gi, “Á mang waq ê
bo garûm yû laq ó... yûmsing hpó lhaî lé
htung to é lé hkasu kut râ lhû garum yú
laq.” ga luî é taî ri.





Waq gi, “Ngá matú gi haî a-ú hkyî cha, ngo gi hká aló waq dok má za lúngsû nghut lê.” ga luî dum taî kat ri.




RaisingOurKids.com



Ngonoq zo gi, gyai nhik nge eq za nyi wún
ri, hká má dum ê râ ga luî myit wú le haú
yhûm mâ je ko sù no lé myit bûn kat ri.




“Á mang No é ngo lé garum yû laq o,
yhûmsîng hpó lhaî htung lé hkyô to bê.”
ga luî taî kyô le, no mó gi haû ngo eq
aséng náng é mang hkáng ru nghut rí.” ga
luî dum taî kat ri.




Rainig@urKids.com


Ngonoq gi gyai yón luî yhang nyi jang shut
ló byuq bê.





Raining@OurKids.com





Ranyí lé gi lhaî htung hkyô to sù yhûmsîng
hpó yhangnán lhaî má é záng nang yû bê
nghut ri.



Chi gai ê râ matú xâng hi má woq hí ung luí
e ló ri.




Hau htâng má waq dum sat ung luî, chi dum é gaî ri. Nghut kôhâng dâm jeyhàng no lò ri.



Ló htang má gi, yhûmsing hpó shi byuq é
yanmai no mó lé sat lûi poi xun kut pyâm
bekô.

WAQ LÉ MHAÚ HKE SÛ HKUÌ LO

Hkinjong Nóng Lat




Radam lhê wâ rawâ má Gám Tot ga sù rayuq nyi ri. Gám Tot gi, nhik gyai bó sù nghut luî, gúng hkyang le gyai kô myhang sù nghut ri. Yhang gi tará lé le chûng sù nghut luî dusat pé lé le gyai yhang dat chyit sù nghut ri. Nghut kôhang mú manghkáng htoq jang gi tot é dông chyat doq dan sù le nghut ri.

Gám Tot gi, yhûm mú pé lé zui nhâng râ matú, waq radù eq hkuì radù lé shuî nyi tô ri. Waq gi mú zui le kang kang kaq kaq zui sù nghut ri. Nghut kôhang, hkuì gi lagon le lagon, akyang le agê sù nghut ri.




Ranyí lê gi, waq eq hkuì lé hkyâm mú zuì rá matú,
nhàng kat rî. Yháng nhik lé hkyâm hkop nhang tô
hkûn, waq gi ragung dú e buî bu hpyî hpyî, gûngdu
nyhaq nyhaq htoq shoq yhang mú ràgò zuî nyî sù
nghut ri.



Nghut kôlhang hkuì nghut jáng gi, mú ragò azuì
é za, yhup naù lè yhup, zang zo ten jé jang gi, gyi gyi
zô nau sù nghut ri.


Mú hkyìng luì yhûm ló nám nghut jáng gi, waq
hkop tô ê loq zó pé lé, yhâng hkyî hkô chyat za dut
shoq dìn hkò to luì, yhûm shut ló ló kut ri.




Hkuì gi nyí wuî lêng haû su za kut nyi é yanmai,
waq gi nhik yò naû luî, yhûmsîng lé, hkuì gi mú ragò
azuî é hkyô bàn shoq taî kyô ri.

Mú yhûmsîng gi, hkuì lé wut yù mù teng ateng
myî wú ri. Haú hkûn hkuì dùm taî é gì, “Waq taî é
dàng gi ajo nghut ri, ngò a-yhup nyí, lám lè alám, mú
lé le ragò yhàng zuî é sù ru-nghut lé, waq taî é lé
hkájíng.” gà luî taî ri.

Haú hkûn mú yhûmsîng gi, yháng nhik hká yuq
taî é dàng têng atêng sé naû luî yháng nhik asê é za
kut luî, yháng nhik zui saî é mú zó lé wú râ gà e ló ri.
Yhàng é wú le, rahkyàm gon má hkuì é hkyî hkô
chyat zà dut tô lánq ri.




Mú yhûmsîng gì, yhâng yhûm má jé jáng, waq eq hkuì lé jì yû mô, “Waq náng é hkyî hkô lé ngô amyâng. Nâng ngò lé mhâu ri, hkuì é hkyî hkô lé za ngô myang ri.” ga taî ri.



Yhûmsîng hpó jé yang é gi, “Waq nâng mú rago azuî é yanmai, nâng gì hkú-nyí mai gi, waq hkup má lhûng aq ho.” ga jé yang eq rajung za, “Hkui nâng le yhûm pán má nyí luî yhûm zúng aq.” gà luî marà byì jé yáng bê. Haû nyí mai

MYIT HUÎ É GI WUM O ATSAM
NGHUT É HKYÔ
Chúmlut Gun Sêng



Radam lhê wâ rawâ má mangzo hpau gi gyai nò luî, yhang é yhup hpú má leq tô ri. Yhang má zoshâng mi yuq nyi ri. Nghut kôlhang yhang zô pé gi rayuq eq rayuq zân lhûm akô. Mangzo hpau gi yhang zô pé é hkyô lé wú luî myit chiq nyi ri. Yhang zô pé lé myit huî râ é hkyô lé hkasu moq byi râ ga luî myit myô nyi ri. Ranyí lé yhang zô pé jé lò é hkûn, mangzo hpau gi yháng moq lé dinglhum tô é htang hkyung lé byi luî taî é gi, “Núng moq shî dinglhum tô é htang hkyung lé ó-yuq wó hkyui kô râ lhû?” ga myi ri.

Xanghi má Lagám yuq gi haû htang hkyung dinglhum lé yû mù luî hkyuî wú ri. Nghut kôlhang

awó hkyui nghut ri. Hau htang má Lanóng yuq le gyai shakut eq yhang hkyuî wú le, awó hkyui nghut ri. Haû eq rajung za Lalaq yuq le dum hkyuî wú le awó hkyui nghut ri. Yhang mang mó pé ó-yuq lhang awó hkyui luî, asûm byi bekô nghut ri.

Haû hkûn yhang gu je tiq sû Latû yuq gi, yhang mâng pé htang ding lhum lé awó hkyui é lé sé mù, yhang gi htang dinglhum maî é rahkyung lé za she yû luî hkyuî shit ri. Mangzo hpau gi yhangzô pé lé ji yû mù taî é gi, “Ngá zô pé é núng moq awó duq é hkyô lé sé bê anghut lhû? Htang hkyung ralhum htang ralhum hkyui le gi, lui lui za wó hkyuî pyâm lhé, nghut kôlhang dînglhum tô é htang hkyung lé wó loq hkyui ra gi alui é nghut é hkyô lé núng nhik wuî sé bê anghut lhi? Haû eq rajung za núng nhik wuî 4 yuq gi rading ralhum za kut mù nyî râ dut lhê. Gó mau má é bang gi núng nhik wuî lé wó lé zân ung râ anghut.” ga yhangzô pé lé moq shit ri. Yháng nhik wuî le yhâng wa moq shit é lé gyai yhang sê gyo byuq luî, rayuq eq rayuq gyê dut lhum é mai myit hui byîn hui, rading ralhum za kut luî nyî lô bekô nghut ri. Hau htang mai gi hkanhám le abyôq lhûm é za nyi gyó lò bê nghut ri.

